



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 41. Turcarum classis ab Equitibus magna clade dispersa

[urn:nbn:de:hbz:466:1-66444](https://nbn-resolving.de/urn:nbn:de:hbz:466:1-66444)

fidei desertor esset. Hisce belli prælu- Sæcul. XV.
diis infidelium spem fallentibus, quidam A.C. 1480.
militaris Architectus nomine Georgius
Frapamus natione Germanus Turcis au-
tor fuit, ut Turrim S. Nicolai ad impres-
sionem faciendam tormentis quaterent.
Idem quoque postera die ad fossæ ur-
bem cingentis oram e regione palatii,
quod magnus Magister incolebat, acce-
dit, atque in civitatem recipi postulat;
id ubi obtinuit, obfessorum partibus ad-
hærere, urbisque salutem suæ fortunæ
commodis præferre simulat; quare ma- Chalcond.
gnus Magister hujus quidem viri opera, *ibid. n. 27.*
nunquam tamen ejus fide utendum exi-
stimat, eumque velut exploratorem o-
culis assidue in eum intentis observari, &
per satellites conduci præcipiebat.

§. XLI.

*Turcarum classis ab Equitibus magna
clade dispersa.*

Interim primi jaciuntur aggeres, quos
Mesites Vezirius majoribus belli tor-
mentis muniri jubet, moxque turris S. Ni-
colai explosis grandioris plumbi globis
concussa magnam partem ampla ruina
fatiscebat. Civibus terrore ac metu pe-
ne exanimatis Antonius Fradinus ex or-
dine S. Francisci suis adhortationibus a-
nimum reddidit, ac ferme eadem Rho-

D 3.

diis

Sæcul.XV.
A.C 1480,

diis præsttit, quæ Joannes Capistranus olim Belgradiensibus pietatis officia impedit. Ipse quoque Magnus Equitum Magister Albusenius urbis salutem a turris conservatione plurimum dependere persuasus, totam noctem absumpsit, ut ad sustinendos Turcarum impetus turrim omni ope & opera muniret, quam ipse cum suo fratre Montelii Comitem tuendam suscepit. Altera die Turcae prope Montem S. Stephani revulsis anchoris ad turrim S. Nicolai sonantibus tubis ac tympanis classem admovent, & ad terram expositi, incredibili furore ad oppugnationem procurrunt. Haud seleniores obfessi hinc missilibus ignibus, & tormentorum explosionibus, illinc grandinibus sclopis, ac tubis, & undique volitantibus sagittis & lapidibus irrumpentium Turcarum rabiem multo vulnere, ac promiscua cæde plectunt. Præterea incendiariæ Christianorum naves plurimas Turcarum triremes igne delebant, & emissæ ex urbe tormentorum glandes classem ingenti ruina dispergebant.

§. XLII.
Magni Magistri cædes a Vezirio tentata.

Tandem Turcæ accepta clade pedem referunt, & præcipiti fuga Triremes suas